



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 6. S. Jacobus Syrus, & S. Baradatus.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.  
A. C. 457.

tera prosequamur, dicendum nobis est, quales hi viri Sancti fuerint, quorum consilium sicut & primorum in orbe Episcoporum requirebatur.

## §. VI.

*S. Jacobus Syrus, & S. Baradatus.*

*Theod. Philot. c. 21.*

Inter memoratos tres viros Senior erat S. Jacobus, quem Syrum vocabant, S. Maronis Discipulus. Hunc in monte triginta stadiis, id est, una Leuca, & dimidia ab urbe Cyrensi distante degentem, Theodoretus optime noverat. Is sub Dio vivebat, sine tecto, sine claustro, omnibus aeris injuriis nunquam non expositus, & oculis ad se invisentium conspicuus. Jam solis radiis adustus, alio tempore nivibus contactus visebatur. Sub veste catenas ferreas magni ponderis gestabat. Nunquam ignem excitabat, ne quidem ut sibi cibum coqueret; nihil autem præter lentem, aqua maceratam, manducabat. Multa patrabat miracula, febribus, aliisque morbis laborantes sanans, & Dæmones ejiciens. Aqua, cui benedixisset, variis malis medebatur. Puerum annorum quatuor defunctum vitæ reddidit, quem Theodoretus se vidisse, & Patrem ejus miraculum enarrantem, audivisse dicit. Cum vir Sanctus ægrotaret, populus circa eum congregabatur, corpus defuncti ablaturus, nam ipso

ipſo vivente Eccleſia fuerat ædificata, ad Sæculum V. quam, ſi moreretur, Reliquiæ deferrentur. A. C. 457. Theodoretus loculum eidem præparaverat in Eccleſia Apoſtolorum; at S. Anachoreta precibus instantiſſimis coegit Episcopum, ut promitteret ſe corpus ejus in ſuo monte ſepulchrum, cumque loculus illuc fuiſſet translatus, in eo S. Jacobus Prophetarum, Apoſtolorum, Martyrumque Reliquias, quas undecunque collegerat, condidit, ne quis dicere poſſet, hoc ipſius eſſe ſepulchrum, corpus vero ſuum in alio loculo prope Sanctorum iſtorum Reliquias deponi voluit.

S. Baradatus initio tuguriolum inhabitabat, penitus inclufus; in rupem deinde ascendit, & quaſi arculam intravit, adeo exiguam, ut caput erigere non poſſet; quia autem ligna arcte ſatis non jungantur, quaſi in aviario ſedens, pluviis, & ſolis ardoribus patebat. Cum diu ibi fuiſſet, ſuadente Theodoto, Episcopo Antiocheno, exiit, & habitavit ſub Dio, verſus quod extenſas manus continuo tenebat. Tunica pellicea veſtiebatur, quæ totum corpus ita tegebat, ut ſolummodo nares, & os ad hauriendum aerem paterent. Ad quaſtiones ſe interrogantium aptiſſime reſpondebat, & Theodoro teſte, illis multo ſapientius argumentabatur, qui Ariſtotelis labyrintho inextricabili

Sæculum V. bili operam dederunt. Nihilominus vir  
 A.C. 457. erat profunda humilitate.

## §. VII.

*S. Simeonis Stylitis Initia.*

*s. 26. vita per Anton. ap. Rosweid. p. 170. Theod. Philoth. cap. 26.* Sanctus Simeon in Ciliciæ oppido, quod *Sisan* dicebatur, in finibus Syriæ natus, anno ætatis decimo tertio oves Patris sui pascebat. Una die, qua ob vim cadentis nivis gregem educere non poterat, cum parentibus in Ecclesiam concedens, illud ex Evangelio recitari audivit, ubi legitur; Beatos esse, qui lugent, & infelices, qui rident, rursusque, Beatos, qui puro sunt corde. Quæsit ex aliquo Sene, qua ratione hanc felicitatem consequi posset; is respondit, per jejunium, orationem, humilitatem, & paupertatem, suavitque, ut aliquod Monasterium adiret. Morem gessit juvenis, & Monasterium vicinum ingressus, inter Monachos duobus annis initiatus est. Cum vero vitæ perfectioris desiderio vehementer ageretur, Theledum oppidum, ad radices montis Coryphi inter Beream, & Antiochiam, situm se contulit. Duo ibi erant Monasteria, in quorum altero Monachis octoginta Heliodorus præerat. Ibi Simeon per annos decem moratus, vitæ austeritate ceteros Confratres longe superavit; nam, cum alii altera semper post intermediam diem cibum caperent, ipse

*Luc. 6, 21.*  
25.

*Philoth. c. 4.*